

文淵閣

影印

四庫全書

影印

文淵閣四庫全書

第四九四冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

武功縣志	明 康海撰……………一
朝邑縣志	明 韓邦靖撰……………四七
嶺海輿圖	明 姚虞撰……………六一
滇略	明 謝肇淛撰……………九七
吳興備志	明 董斯張撰……………二五一

欽定四庫全書

史部
武功縣志卷二

詳校官編修_臣曹振鏞
檢討_臣德生覆勘

總校官原任中允_臣王燕緒
校對官中書_臣李斯咏
謄錄監生_臣何青

欽定四庫全書

史部十一

武功縣志

地理類三
都會郡縣之屬

提要

_臣等謹案武功縣志三卷明康海撰海字德涵武功人宏治壬戌進士第一授翰林院修撰以救李夢陽事坐劉瑾黨削籍明史文苑傳附見李夢陽傳中是志僅七篇曰地理曰建置曰祠祀曰田賦曰官師曰人物曰選舉

欽定四庫全書

武功縣志提要

凡山川城郭古蹟宅墓皆括于地理官署學校津梁市集則歸于建置祠廟寺觀則總以祠祀戶口物產則附于田賦藝文則用吳郡志例散附各條之下以除冗濫官師則善惡並著以寓勸懲王士禎謂其文簡事核訓詞爾雅石邦教稱其義昭勸鑒尤嚴而公鄉國之史莫良于此非溢美也志刻于正德己卯萬歷間再經刊行旋復散佚乾隆二十六年

武功知縣瑪星阿得抄本于孫景烈因為重

刊其國點細評皆出景烈之手頗嫌疣贅又

王士禎稱武功志載璇璣圖而此本無之考

海孫呂賜嘗刻璇璣圖讀前有題識云余錄

先太史縣志真本悉依原編惟蘇氏詩未錄

非敢輕有變置故附數語錄本之末述先太

史之意冀來者之鑒余志也然則此本乃呂

賜所刊除矣明人好改古書乃至祖宗著作

欽定四庫全書

武功縣志

子孫亦必變亂之惟庸故妄斯之謂歟乾隆

四十三年三月恭校上

總纂官臣紀昀臣陸錫熊臣孫士毅

總校官臣陸費墀

武功縣志原序

予嘗兩至武功涉漆釣津陟雍丘遊鳳麓渡渭而尋太

白終南之奇北顧九峻諸山則見碧流襟帶翠巘揖讓

珍木蔚薈灝光組繡風氣翕乎四來龍虎儼而交應未

嘗不臨景命筆而羨斯地之勝也及予訪后稷之墟覽

唐太宗之舊問蘓子卿之眉叅張橫渠之象誦康尚書

之飭然後知斯地之效而對客談山言未或忘之夫美

稼不發境埆修松不挺培塿斯已然矣若乃積高而築

欽定四庫全書

武功縣志

堵不繼表正而式影弗端則求諸嗣有政教者焉夫后

稷政之祖橫渠教之宗官無后稷之心者皆忍夫師無

橫渠之志者皆貨客如仁義之有托即政教之咸興繫

茲人物有不恒茂者乎雖然政不必皆官識法者即可

立教不必皆師見道者即可端故王烈之政亦行太原

綿駒之歌能教齊右武功之志凡以憂夫此也志七篇

地理約而不漏建置則而有據祠祀先今而後古官師

直書而勸戒自形人物之志浩乎其無窮也君子于是

乎思古于是乎徵今于是乎開來其志已勤矣選舉崇義而黜利益志之良者也學者觀其志目亦思過半矣是志也撰之者吾友康子德涵刻之者邑侯西蜀馮玉仲則斯政教也為有歸矣正德己卯冬十一月甲寅涇野呂柟書

武功康子作志七篇以記載武功之故緒理要會益燦然明備矣至其覈事顯義用昭勸鑒有可述焉夫先王之政紀其山川辨其疆域程其土宜稽其俗尚肆其采

欽定四庫全書

武功縣志
原序

二

物以謹封守而察時變故書序九丘詩陳列國採風者具其美惡董事者正其得失務在因道財化追俗為制以施于久遠已爾夫天下之勢其所由來亡不有漸苟非早見而力救之則其勢莫可回而患成循約而治厚生而安其始未嘗弗一致迨于風尚澆淺而德實靡波其治不可長也戶口繁增而生利蹙薄其安不可久也可以弗慎其漸哉余覽康子之書其地畝則由狹而廣戶口則由寡而衆賦役則由省而興財費則由約而靡

其產業則由富而貧地利則由饒而減民性則由強而弱風俗則由厚而漓吏治則由良而奸人才則由實而虛文教則由振而委亡弗降本流末廢正趨弊者矣嗟乎豈獨一邑然哉由此可以例諸四方矣正德十四年己卯冬十二月五日大復山人汝南何景明撰并書

欽定四庫全書

武功縣志
原序

欽定四庫全書

武功縣志卷

明 康海 撰

地理志第一

夫武功古有秦氏之國也有秦氏有女曰姜原爲帝嚳元妃生弃教民稼穡有功堯封于秦號曰后稷后稷卒子不窋嗣不窋末年夏后氏政衰去稷不務乃奔于戎狄之間周興爲岐豐之域平王東遷賜豐鎬于秦秦遂

欽定四庫全書

武功縣志
卷一

爲秦邑至始皇列天下爲郡縣以秦爲秦漢改武功縣隸右扶風去古秦城二十里王莽曰新光東漢復徙古秦城魏置爲武功郡領美陽縣晉改屬始平郡後魏復爲武功郡周改雍州武帝建德三年復置武功郡治郿城已而復爲縣隋改隸京兆郡唐武德三年改置稷州以武功好時蓋屋郿鳳泉隸之尋又析始平置扶風縣四年以岐州圍川隸之七年又以隸岐州貞觀元年隸雍州天授二年又置稷州領武功文明元年析以奉乾

陵乾寧二年以奉天置乾州領好時武功蓋屋醴泉而

屬京兆府後唐同光中隸鳳翔長興元年復立京兆而

以武功隸焉後晉置武功郡後周復改爲縣宋隸永興

軍路京兆府政和八年同醴泉移隸醴州金改武亭縣

元復爲武功隸乾州明興因之而通屬西安府廣四十

五里袤五十里東興平東南鄠南蓋屋西南郿西扶風

西北麟遊北乾州東北醴泉城圍三里二百二十步半

附雍原之麓元末張良弼李思齊增築以據守者循原

欽定四庫全書

武功縣志
卷一

又列十有二城洪武九年長興侯弟都督忠奉詔屯戍

于此以控制關內復增築之諸城皆至今存舊志云雍

州之域井鬼之次有平原控其東鳳岡翼其西長川帶

其北終南太白揖其南益古形勝之區強武之國也治

凡十五里

里名見建置志社學下

舊志有山原七川六太乙山屬蓋屋太白武功兩山與

褒谷水屬郿五丈原屬岐三時原屬扶風故俱不復載

載其今有者

東原在縣東其南與雍原相直或曰通西原皆謂雍原云

雍原即縣西原城所附者古周原也鳳岡者原北行岡也

武亭川縣川也其南十二里古川口蓋漆水川也

漆水縣東門外水今謬爲武水者也自幽岐之間來

縣北受浴水南受漳水入渭鄭漁仲序地里略謂天下

如指諸掌而信漆由富平入渭之說蓋括地志未審幽

欽定四庫全書

武功縣志

三

岐涇渭脉絡所在富平在涇東漆在涇西安有岐梁之水越涇而東再至富平始入渭也漁仲誤且如此況其餘乎詩曰自土沮漆書曰釐在漆縣今邵與釐同封里有漆村是也

浴水乾州西夾道水也亦從幽西梁山來意此或即沮水關西人讀浴若于于沮固易訛耳漁仲亦以東自富平入渭殊誤

漳水即園川水自扶風東門外受鳳泉水至縣南從漆

水入渭

建子溝在縣南十七里近慶善宮

美陽故城在縣西原八里後漸徙鳳泉東則今扶風境內也

古釐城在縣南八里漆村東古有釐氏之國也今縣西南三十里亦有釐城者前漢徙置之爾

高泉宮在古美陽城秦宣太后宮也

慶善宮在川口東南今沒於渭唐高祖故宅武德六年

欽定四庫全書

武功縣志

四

改名慶善宮太宗所生宅也貞觀六年幸之宴從臣賞賜閭里同漢沛宛帝歡甚賦詩曰壽丘唯舊跡豐邑乃前基粵子承累聖懸弧亦在茲弱齡逢運改提劍鬱匡時指麾八荒定懷柔萬國夷梯山咸入款駕海亦來思單于陪武帳景逐衛文螭端宸朝四岳無爲任百司霜節明秋景輕冰結水湄玄黃變原隰儲峙積京坻共樂還譙燕歡此大風詩起居郎呂才被之管絃爲功成慶善樂名九功之舞十一年冬獵于武功賦冬狩詩曰烈烈

寒風起慘慘飛雲浮霜濃凝廣隰冰厚結清沅金鞵移上苑玉勒騁平疇旌旗四望合置綱一面求楚路爭麇

陸秦七角鹿愁戰忙投密樹鳴鶯起沙洲駢斂原塵靜戈迴嶺日收心悲洛汭速意在渭濱遊禽荒非所樂撫

轡更因再幸慶善宮上更賦詩曰昔代馬依朔吹驚禽愁招憂

舊感深衷積善忻餘慶暢武悅成功垂衣天下治端拱車書同白水巡前跡丹陵幸舊宮列筵敷故老高宴聚

新豐駐蹕撫田畯迴輿訪杖童瑞氣縈丹闕祥烟散碧空孤嶼含霜白遙山帶日紅於焉歌擊筑聊以詠南風

帝又有過武功舊宅詩二篇許敬宗上官儀應制奉和

焉今悉著于篇可以覩見當時之盛云帝詩其一新豐停翠輦燕邑駐

鳴笳園荒一徑斷臺古半階斜前池消舊水昔樹發今花一朝辭此地四海遂成家其二金輿巡白水玉輦駐

欽定四庫全書武功縣志卷一五

新豐紐落藤披架花殘菊破葉庭鋪荒草蔓流竭半池空級佩蘭凋徑舒桂葉剪桐昔地一藩內今宅九園中

架海波澄鏡輻戈器反農八表同文軌無勞歌大風敬宗詩飛雲臨紫極出震表青光自爾家寰海今茲反帝

鄉情深感代國樂甚宴醺方白水浮佳氣黃星聚太常參風鳴層閣鄧霍賀雕梁柱山猶總翠蕪薄尚流芳攀

鱗有遺皓沐德忭稱觴儀詩石闕清晚夏旋與御早秋神鹿颯珠雨仙吹響飛沅沛水祥雲泛宛郊瑞氣浮大

風凝漢苑葉烟入聲球翠梧臨風邸滋蘭帶鸛洲偃宮伯歌元化尾蹕頌王遊遺簪謬詔獎珥華荷恩休

後又改爲慈德寺史逸其年今寶村北仍有寺名慈德

蓋沒而遷者也

麓亭在縣西南三十里漢地理志載亭長事者也東漢

徙縣古麓城而以為亭也今屬扶風縣

高望亭在縣東二十五里唐天后武氏行宮世說中宗

築以望乾陵者

綠野亭今在縣南郭東外為宋儒張子子厚寓所張子

與武功簿張山甫厚故武功弟子因從子厚遊亭此講

學焉弘治八年冬戶部尚書沁水李瀚時以御史巡按

至諸生以白御史御史迺謀於提學副使今少傅吏部

尚書楊公一清楊公以知縣學通有良治能用其民一

欽定四庫全書武功縣志卷一六

以責學通踰年乃成改曰綠野書院擇師授徒文教彬

彬然勃然興焉書院前為堂祠祭子厚而後建講堂學

舍故禮部尚書吳文定公寬有碑碑曰闕中有大儒曰

咸以道學鳴於時君子以其德尊與孟子比夫自堯舜

至于孔子率五百歲而道一傳孔子沒而道無所屬此

孟子之自叙而其自任之意亦可見也至昌黎韓氏以斬

之死不傳其傳則直歸之孟子然至其時已千歲矣所

謂以其數則過矣者而秦漢以下儒者亦多而曰不得

其傳則孟子宜易比哉自唐至于宋又五百歲始得漢

溪周子河南程子先生實並時而出而君子獨以先生

比之孟子雖程子亦推稱之則其人品之高豈非振古

家陳之士哉故當是時學者爭師宗之人至于今過其

地仰其人肅然起敬不能自已武功為西安屬縣城南

欽定四庫全書

武功縣志

七

有綠野亭先生之遺迹也蓋先生少時學尚未醇及至洛中見程子論易自以為弗及乃遂西還以與學者講究後既出任於朝他日治獄外郡而還即移疾屏居南山下以事著書益史之所記大略如此綠野之跡豈其西還與屏居之時乎陝西提刑按察司副使楊君應寧由近臣出領學政公勤善教士子經指授者輒取科第君曰此非所以教學者也嘗行縣顧瞻山水明麗可愛所謂綠野亭者歲久既毀而遺址猶存先賢風旨宛然如見始謀即其地構屋以祠先生別為屋俾士子講習其中庶幾仰止景行之意諸生聞之相與感激言於巡撫御史李君叔淵雅重風教乃下其事于君君以縣令家學通嘗復古廢祠亦知急先務者復以事委之學通方經度財用而邦人士咸樂相助數月而功畢名之曰綠野書院擇士子充于其中而以縣學訓導趙文傑為之師俾日講性理之學凡縣學諸生則三日至聽講其規約大率與白鹿野陽類未幾若西安鳳翔諸生聞風就學者踵至君時坐堂上躬督勸之風氣乎道學之流行也君既喜其志之成間以書請記夫養士于學校取士于科第此固朝廷今日之法然學校之所講習者皆經傳之精微欲用其人特以科第取之耳為士者昧其意以聖賢之言止用以資為利祿之計而不知道與法之不相背也今幸賢憲臣有見于此革其故習特為此舉以作興之學政之大無踰于此其用心可謂至矣使今之領學政者皆如君之用心風教其丕變也乎雖然聖賢之言學者于此無弗當講者而橫渠先生尤吾今日輩比之師也其書則正蒙西銘具在因其言求其心反之于躬見之于事而又謹其節文循其以禮為教之規教于流俗為世醇儒此固賢憲臣所望於士子者也于是取科第出為世用以行其所學賢憲臣之意亦豈為士子禁哉書院建于弘治九年六月工畢于是年十月癸未記今去改建才二十三年矣其廢壞已十四

欽定四庫全書

武功縣志

八

五況久遠乎綠野亭故在漢義勇武安王廟後稍北原下下有古洞成化末猶傳有石刻亭記居民惡其害已也乃投其石于井中宋侯欲去狹隘且厭與細民爭校故移之于此此故像真庵宋侯易民田恢闊耳何若仍置諸山下為實錄近理也縣學訓導趙文傑詩城南百步路西村四五常開小洞門綠野有名亭已沒荒碑少字石猶存經霜柏老乾坤影繞帶河流今古痕仰止橫渠尋未得日中立馬到黃昏正德壬申翰林院修撰高陵呂柟于綠野書院謁橫渠先生祠詩二月入武功載謁橫渠祠春桃雜芳潤好鳥鳴天枝綠野終南翠舍情實在茲昂求曾風夜人七道未涯微阜下程氏執禮西仲尼表時脫支蔓訂頑那有私瞻依真氣象無復亭中疑茲邦有君子跡殊路不岐豪邁存餘烈高懷有我知鵬飛要扶搖鯢化自天池斯文應不斬白日今見之

韋應物宅應物長安人漁陽兵亂後流落失職始更折節讀書屏居于武功然莫知何里其經武功舊宅詩云茲邑昔所遊嘉會常在目歷載俄二九始往今來復感感居人少茫茫野田綠風雨經舊墟毀垣迷往躅門臨川流駛樹有羈雌宿多累恒悲往長年覺時速欲去中復留徘徊結心曲

姜原墓舊志云在上南門外南去三百六十步又西四十步有三坎墓在坎上與東原梅家莊直

隋殤帝墓在縣西原武德五年八月辛亥唐高祖葬帝于此

蘇武墓在縣北

蘇許公墓在縣西南博村其神道碑在新寨西道南博游師雄墓在縣西北八里碑為耕者沒之地華表存焉東漢地里志曰蘇在漆縣其民有會日中以相與夜中市如不為則有災咎故志曰風俗剛勁不事華侈務學力農有古人之風漢志亦曰好稼穡務本業有先王遺

欽定四庫全書

武功縣志

九

風然風俗與時推移繫諸習尚自予所聞見今已數變矣其可以定論哉成化時人重使氣不肯順理豪傑者至於把持治吏鄉人皆相推畏高之或至武斷于鄉今即有冤者不敢正目下吏弘治時習侈善饗無豐儉之節日日擊鼓聚會靡有厭飲少年得分銀尺布則弗計蔬饌置酒彈絃不避長老時節遊行男女率治容祇服佔佔自見或又好爽快為賢多言習禮送死奢靡擬諸王侯塔莫婦翁至于傾產益承平之久法制明白貪官

汚吏毋所肆意百姓富庶靡有他慮要之天下皆然不獨此也今或不能供賦役葺田廬矣然人事日趨諸簡約斯亦反古之漸也

建置志第二

縣署在城西北北抵城西抵后稷廟下原麓東抵文廟洪武初知縣祀重建倉二俱在署內原麓下草場一在城隍廟西一百步唐有柳子厚縣丞廳壁記殷頌曰邦制千里之內曰甸服殷梁謂之寰內諸侯為王內臣其制甚重今京兆府理京師部二十有三縣幅員之廣其

欽定四庫全書

武功縣志

十

猶古也縣吏之長曰令曰丞丞之位正八品下蓋丞述六職以輔其令也秦漢有丞相今尚書有左右丞御史中丞至于九卿之列亦皆有丞下以達天下之縣政有大小其旨同也武功為甸內大縣按其國古后稷封有邵之地秦作四十一縣邵美陽武功各異至是合焉蓋當為魏州已而復縣其土疆沃美高厚有丘陵墳衍之大其植物豐暢茂遂有拒拒靈藏之宜其人善樹藝其俗有禮讓宜乎大雅之遺烈焉貞元之十五年改邑於南里既成新城凡官署舊記壁壞文逸而未克繼之者後三年而頴州陳南仲居是官邑人宜之號為蘭靖因其族子存持地圖以來謁予為記夫以武功疆理之大人徒之多而陳生以簡靜輔其理斯固難矣漢高帝嘗詔天下凡以戰得爵七大夫公乘以上令丞與抗禮故為史益難今天子崇武念功與漢初相類分集旅以守縣道武功為多陳生為丞于是而又職盜賊宋有游其為理無敗事吾庸可以度哉為之記云

靖重修縣廳碑
大觀四年夏六月汝陽劉侯幹以承事

郎來宰是邑侯喜於事功臨政不苟風

夜憂勤以身任責整案牘決訟獄事無巨細靡不究心

明年改元政和治行稍著士樂教養農勤田畝強悍者

屏息良善者安處老有養疾有醫官無調發民無積逋

閭境歡戴政益閒暇一日侯謂同僚曰有官守者常樂

因循而憚改作事漏弗填忽頃弗支期以代去自為得

計其或好遊觀務將迎起臺榭陂池之役倚勢作威因

緣為奸至于公宇之撤往往引嫌而不加意是誠何心

哉及其屋壞垣頽蒼皇失措又負便植疲民蠹財不可

勝計如是則公府奚賴予待罪于此既喜民之易治又

喜前人之用心顧瞻庭宇華屋在前金碧輝映乃開封

高士徹所建手詔亭也堂皇在後規模簡約乃藍溪呂

義山所新正寢也准陽錢東創鑿口堂大梁李宗作清

心堂河南趙茂曾增修錢庫及居養院陽翟孟通廣闊

庾舍內外完葺煥然一新惟令廳湫隘猥陋殆不堪處

欽定四庫全書

武功縣志

十二

欽定四庫全書

武功縣志

十二

驗其故記寔天聖中神公世衡改造迄今八十餘年侯
復歎曰不廢不興不敝不新舍此而不事不惟有愧于
前人之用心亦何異夫樂因循而憚改作者邪矧是廳
也頌詒出令承流宣化之所臨制劇邑絳繹兩川喉襟
數路正當四達之衝亦必有以稱矣于是慮材鳩傭營
去棟樑梁楫之折抗與夫蓋瓦級磚之缺者躬自經營
悅使有術人不以為勞增廣制度壯偉闕耀人不以為
侈廳既成侯會賓僚落之是日也黃童白叟聞溢庭下
瞻仰咨嗟始知公府之嚴令尹之尊也如是嗚呼當是
職者必有以處是廳也處是廳者必有以任是責也侯
之祖坦踐歷中外為時聞人嘗受知于仁廟有醇儒循
吏之稱所賜飛白宸翰至今寶之侯念德不忘果能任
責以孚民望真可謂善世其家者也則斯文之作豈特
記新廳之歲月揚厲侯之盛美又得發明名邑之因以
詔後人故係之以詞其詞曰太白崢嶸作鎮坤靈武功
山連亘古長青充封后稷周賜秦嬴作邑於此因山命

名漢自渭南徙古郃城宇文造周易治中亭中亭之川
原隰砥平唐為稷州作輔陪京復隸天府邑是以寧鳳
周西拱武水南傾人尚禮遜俗務農耕神先誕聖瓊頤
騰聲姚合發詠柳子詳評我侯臨蒞訟簡刑清民無調
發兵無戰征匪植其私匪僥其榮克紹祖德允協民情
恢廣制度新于其廳廳非侈已乃尊朝廷更振其職民
樂其成載瞻載仰政治惟馨敢告來者無忘經營

儒學在縣署東北抵城東西皆抵民廬而獨堂西七丈

許抵北街洪武初知縣祀建正統時知縣俊重修宋有

縣令趙茂曾碑士志于道者常患乎不得遂其學得遂其學信之則君子以為榮遇焉此武功縣學之興而銘序之所以作也建中靖國元年夏四月知京兆府孫公

覽奏以壽春縣令趙茂曾知武功事秋八月公去崇寧

元年春三月茂曾始來是秋貢士府十四縣懸格所取

武功居多時歎息其遺者尤眾既冬邑人相謂曰賊盜

賊撫良善政令之所在也孝弟姻睦以考其行絃誦講

習以和其心性命道德以進其學實士人之所望焉乃

謀葺孔子廟聚生徒而淺陋不可居十二月有詔建州

學縣學養士之法同僚相語以州縣吏雖尊賤有次其

申明孝弟孰後先耶茂曾慨然以興曰疇敢不祇若王

之休命明年春訪隙地東于府願易廟西樓店基為學

舍知府事虞公策從之撤木于淫祠經費于計臺轉運
副使許公天啟可所請即日給官錢五十四萬資其用
度於是築新基南向為麗澤堂左右前廡後布八齋名
之以道德皆新作也其東宣聖殿小學職掌之位庖祭
器祿者所直舊舍足焉補缺益卑與新允稱總五十楹
基長二十有五尋廣十有二尋餘六尺經始于二月乙
丑落成于三月癸巳鳴呼學校為事必興于聖人極盛

之時三代可監也蓋備所養以期所用今吾君待天下之士厚矣天下之士宜思所以副之茂曾何人獲宜聖化且得効犬馬之力于其間為遇為榮罔可言計謹拜稽首叙事勒銘著之金石以告學者銘曰夏后庠序商邦肇宗周王類宮中之孝弟漸摩仁義名殊迹同明明我主超三邁五人才是隆民有彞則好是懿德合由以容家黨術國塾庠序學慨然聿崇遞升次舉匪私是與允期于公咨爾有衆學以致用勿尸厥中入孝出弟居仁由義敏則有功以副盛 據碑則今之縣署乃學不知時允能庶幾三代之風

何時改易之豈金元兵燹之餘草昧之際縣廢而學存治事者姑且居之乃其後竟因而不返與正德八年知

縣劉紹重建明倫堂十三年御史張文明行縣以廟學

欽定四庫全書

武功縣志

三

類敝命知縣昌修理更以渭源度頭抽分益之昌憂去

明年御史張欽行縣見其益敝乃與守巡參政畢昭副

使楊鳳謀通借咸陽行棧抽稅屬同知趙錦監抽會都

御史鄭陽檄至嘉啟厥工提學副使何景明知府劉祥

又通責諸知縣瑋茲方集工舉事未已云倉一在堂西

南

稅課局正統二年罷

郇城驛在城東南洪武初知縣祀建驛倉即堂左右廂

驛草場在驛東南城隅

長寧驛在縣東三十五里俗曰東扶風鎮軍站也成化

中移置清水石嘴

陰陽學在縣門外今廢為縣獄

醫學在大十字東舊有地三間今存其半俱知縣祀所建

僧會司在報本寺

道會司在鴻禧觀

申明亭在縣門外與旌善亭同處舊志言遊鳳有古旌

欽定四庫全書

武功縣志

十四

善亭又有古倉在社學之西

諸行署布政司在宣化街按察司在縣署西東面府署

在縣南北面長寧分司即故長寧驛也故則與興平縣

合力修之 禮部侍郎河東薛文清公瑄過武功書按察

紅渭河水遠波聲小太白山高樹影重道趾已無慈德

寺居人猶說有聲封東行無限前朝事盡在黃塵綠野

中都御史柳陽曹建次前而後稷封麓萬世功登臨偏感

又陽紅風生武水波千尺雲鎖香山樹幾重唐宅基湮
青草合許公碑古碧苔封行人欲問當年事都在漁樵
晚笛中侍郎南陽張周幹次韻南有石山號武功渭河
水浸曉霞紅煙迷隋塚高千尺雲鎖郭封厚幾重北屋
詩書多巨室滿城桃李總花封太宗唐主曾生此猶說

遺踪在寺中都御史淳安方漢次韻誰向茲原啓聖功
周人王業伴殘紅猶瞻王氣千年迴誰道名山萬里重
慶善有宮留佛住姜嫄無廟任雲封連城舊跡知多少
都入荆榛瓦礫中知縣宋學通次韻公暇循阡遍武功
滿川春雨落花紅泉通玉井三千丈雲鎖連城十二重
鄆伯遺亭書綠野姜嫄荒塚倚郛封大唐天子讀書處
遺跡猶存
上閣中

諸急遞鋪總鋪在府衙西迤東三鋪抵興平曰韓店可
會長寧迤東北一鋪抵乾州曰董壘

諸社學舊惟儒學西有故稅課局址爾弘治癸丑知縣
學通以提學條約則里置一學又遴選其子弟可教者

欽定四庫全書

武功縣志

五

里設一師已乃時督率之學各有所在得詳之有興
復者庶幾因而求焉

在城西即儒學西者坊廂里在布政分司之西俱得里在王宅村遊

鳳里在遊鳳集奉安里在奉安村韓店里在可曾鋪西馬
午里在故長寧驛西興城里在焦上村顯義里在燒香臺
渭源里在東渭源村會同里在鄭村永豐里在張捕村
永安里在南姚安村郛封里在高村姚安里在鏡照村
演武教場在東郭門北外

養濟院在郛城驛西

漏澤園在東郭門南外

市集在縣方內者三而縣不論最大者長寧集月無間

日遊鳳集普濟集以日相遞而已

祠祀志第三

文廟在縣署東宋知武功趙茂曾建元世祖十五年
至元戊寅縣令王君營復之尋擢行臺掾去長安杜
淵繼為令力成其役宋有大觀聖作之碑天下皆
有刻茲不載元有李顥碑洪武初知縣祀更建正
統中知縣俊加葺治焉有訓導曲新碑二碑文辭
鄆元故不載

欽定四庫全書

武功縣志

社稷壇在北郭門外

風雲雷雨壇在南郭門外

厲壇在小北門外

城隍廟在東門內成化時知縣璵重修正德初知縣鍾

仁嗣修焉

姜原廟長安志在城外西南原麓間傍有后稷廟今俱

亡矣今后稷祠在城內西上故寶意寺址也弘治丙辰

知縣學通改建祠後又作姜原祠

修撰呂柟登謁后稷祠詩夫子天下烈播

穀廣炎皇其芽當茲土種德邈無疆有口咸食力周極
齊穹蒼二月武功曲鸛鳴初半黃星言拜古祠陟山雲
中翔烟川睇春縣覽極獨慘愴風塵醫家
宇藏黎黎予腸細惟躬稼澤誰可使均穰

唐高祖祠在鳳岡之巔前則太白行祠也太白蓋封內

故山漢永平八年建祠于此洪武丙辰都督耿忠以縣

有高祖故宅故祠高祖于太白廟堂之後而別自為太

白祠記洪武九年春于欽承上命領兵來成陝右操練屯田以為邊備東自臨潼標陽高陵涇陽三原

醴泉興平乾州武功西抵鳳翔岐山扶風南至郿縣盤屋等處悉致屯所農作既興厄于亢陽種未得下遠近咸以為憂詢諸故老皆曰西南太白乃本邑之名山上

有泚池歲旱則奉迎是水每禱輒應專以四月中旬擇

欽定四庫全書武功縣志卷一

日齋戒躬致祝辭遣僧覺用等齋香帛祝文詣山頂投辭請水既至率官僚吏卒郡民數百千人備鼓吹郊迎展祭於武功太白之神祠是夕大雨滂霂三日乃止

遠近罔不周沃及六月又早禱請如前復獲沾足秋八月禾將垂實早甚復禱請之大雨隨至變枯槁為欣榮

易呻吟為歌嘯感神之賜甚渥也越明年丁巳夏四月六月俱早復奉迎請禱如前歲之儀而亦兩蒙靈貺雨

皆尺餘間輔之中軍民鼓舞二歲之間凡五禱于神其感應前後一如影響百穀咸成年歲豐登靈貺駢臻曷

伸報答先是鳳岡上舊有神之行祠歲代綿遠廟貌傾圮門廡廢闕乃命工匠士卒補完而增修之園繪兩壁

裝塑神像煥然一新人今人于武功故城得神之碑誌於遺廟之側其載太白古今顯靈之跡并歷代加封徽

號蓋自唐玄宗天寶中勅建廟號封神應公宋仁宗嘉祐初封濟民侯七年改封明應公神宗熙寧八年進封

神應王其所以倚國濟民靈應昭晰祀典後然歷歷可

見嗚呼人敬神而獲福神依人而廟享人以誠感神神以靈佑國此幽明自然之理也今以神前後靈威顯應之跡直書刻石置于廟壁庶唐有李白登太白峰杜甫使後之觀者亦知所崇敬云

喜達行在所詩因并附之李白詩西上太白峰夕陽窮關顧來冷風去直出浮雲間舉手可近月前行若無山

一別武功去何時復見還杜甫詩西憶岐陽信無人遂却回眼穿當落日心死蒼寒灰霧樹行相引蓮華望忽

開所親驚老瘦辛苦賊中來其二慈恩胡笳夕淒涼漢苑春生還今日事間道暫時人司隸章初睹南陽氣已

新喜心翻倒極鳴咽沾巾其三死生憑誰報歸來始自憐猶睹太白雲喜遇武功天影靜千官

衷心蕪七枝前今朝漢社從新數中興年

唐太宗祠在北郭內鴻禧觀三清殿後宋元祐戊辰直

欽定四庫全書武功縣志卷一

龍圖閣游師雄建有趙茂曾碑碑有大寶聖人守焉上惟軒義傳記周悉道德

乎克粹仁義於禹湯文王有周大勳集武而幽厲廢之侯國蚌聚七雄蟻爭以昭祖龍而二世亡之漢承秦運

俯首以取權操與備因漢弱而攘裂晉則虛誕不支而宋齊梁陳潰墊于西臨正統隆絕有唐階纂隋以興傳

昭寔衰五代竊據天開地泰乃歸于有宋之真人為顧若相因迭為興廢者得明主賢臣可取法有暴君污吏

足為戒皆所以資我聖時為永永無窮太平之治具也然歷觀前史惟其有甚於亂之患然後生大英傑之君

故必能措海內于昇平極黎庶于塗炭則漢之高祖唐之太宗其倫乎按唐記太宗文皇帝以開闢皇十八年

十二月戊午生于武功之別館有二龍戲門外三日乃去是以京兆府武功縣之南有唐慶善宮今為慈德寺乃

其所也北曰報本寺神堯之舊宮焉先是縣國雖載厥事而祀秩無文龍閣游公慨然興歎率里人即報本北

欽定四庫全書

武功縣志

十九

隅經始廟貌法大壯以建殿宇想天日而形塑繪左右
壁間悉圖貞觀朝臣英姿凜然彷彿見當時之盛於是
肅嚴致敬有所實元祐三年戊辰歲也後十四載洛陽
趙茂曾被命長邑一日至祠下而龍閣公弟師韓語之
故且求以記遂諾之曰僕元祐末與獄平涼見君之伯
氏為使者愛民以道率吏以誠觀其激風俗敷教化使
法令美意下決于田父野老之肌骨雖古昔召父杜母
之流莫可過者若夫執律馭師則折衝尊俎笑談帷幄
豫計勝否驗若符契致朝廷威靈遠震于遐荒重譯之
巢穴雖前世班超李牧之輩無以尚矣我思其致今也
則亡常企慕之恨不得述其梗概茲幸君之及此也昔
梁州人侯柏年以廉泉之名誇其閭里而史筆書之不
遺矧公肇是祠宇俾後世識者以人物稱其風氣則追
遠厚俗之意豈淺也哉故論前世治亂之迹見文皇帝
之英傑因記其祠之者名氏云游公名師
雄字景叔大宋崇寧元年中元日謹記 不知何時作

觀祠前洪武初都督耿忠重修而仍圖凌烟功臣二十
四人于左右壁其上各書唐史本傳乃更刻太穆皇后

傳及帝世系于舊刻帝幸慶善宮詩碑陰跌諸後曰武洪

丙辰春忠欽承上命領兵萬餘來關中悉建屯戍因駐
武功而控制之武功實有唐太宗誕育之地山川孕靈
篤生賢聖信不誣也暇日尋訪故基得古碑於城南榛
莽中上刻太宗御製詩二首乃舊立于慈德寺而更樹
于安養堂者碑陰載順聖皇后傳歲代綿遠字畫磨滅
殆不可辨于是感文皇之聖孝慨盛迹沉湮遂命工重
為摹勒復置于城北鴻禧觀蓋太宗遺像存焉庶使後人
益知所敬而傳之永久云時洪武丁巳正月十有九日
也康長公謁祠詩隋日生靈極厚雄問獨夫八荒歸聖
歷數語見皇圖李密終潛洛鄒陽肯事吳辦香陳闕殿

想像賦
懸派

名宦祠在縣署內儀門東外所祀古今三十三人

鄉賢祠在文廟戟門西外所祀古今三十八人

報本寺高祖別宅也在北門外慈德寺見慶善宮寶意

寺見后稷祠橫渠先生祠見綠野書院太白行祠見高

祖祠鴻禧觀見太宗祠外有東嶽廟在東郭外漆水東

關王廟在南郭西外坎下火星廟在小北門外東北野

田中無名氏慈德寺詩昔年高祖宅今日梵王宮塔聳
白雲外僧行綠樹中真容唐刊聖墨蹟宋諸公半

欽定四庫全書

武功縣志

二十

日休心處烹茶話祖風常應物經實意上方詩翠嶺香
臺出半天萬家烟火照晴川諸僧近住不相識且聽微
鐘記往年康長公寶意寺詩傷秋人事絕習靜入招提
掃葉坐松下看書忽日西青雲雙翼歛白髮近年齊欲
別浮生者悠悠向爾栖前人同高令登太白祠覽李思
齊故城元命厥天紀八表露同春羣雄各自起天眷安
所存李生效時哲攬轡來此軍崇墉俯深壑飛鳥不能
伸自謂險宜恃寧知君欲仁古帝發淮浦裨將入咸秦
一鼓事乃定初接身已殉冤魂夜夜哭血風千里聞國
不務弘遠險阻何足云前人書鴻禧觀戴法師壁結髮
尚茲道半百廬所指因喜宮殿清常陪隱逸士翳言談
真詮清心詣玄理雲冥雙鶴歸露下繁亞已規爾烟霞
人安得從主已康阜觀東嶽廟賽神鳴鑼擊鼓天黃昏
老姆偕首如蟻蟠板呼喊盆震地起鬼怪嶢崎相慶吞
女兒百十擁隊出拽朱點翠如天孫神祇若來雲若垂
節拍木竟新者奔君不見豐年黍稌未彌隴夜半催科